

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK
SLUŽBA ZA LOKALNO EKONOMSKI RAZVOJ**

Broj:10/2-Sl./18.

Bihać, 29.11.2018.godine

Zapisnik sa XIV sjednice Savjeta za ekonomski razvoj Grada Bihaća

Dana 27.11.2018.godine, održana je XIV sjednica Savjeta za ekonomski razvoj Grada Bihaća, i sastanku je prisustvovalo 19 članova Savjeta (lista prisutnih u prilogu).

Dnevni red sastanka bio je:

1. Privredno-ekonomska situacija s akcentom na zaposlenost i nezaposlenost na području Grada Bihaća u 2018.g.;
Izvjestioci:
-Predstavnik Vlade-ministarstvo za privredu USK
-Predstavnik Privredne komore USK
-Predstavnik Grada Bihaća-Služba za lokalno ekonomski razvoj
2. Analiza administrativnih i komunalnih taksa i naknada u 2018.g. s projekcijom za naredni period te uticaj istih na troškove privrede;
Izvjestioci:
-g-đa: Fatima Pečenković i Elvira Hadžić-Služba za komunal.djelat.,vode i zaštitu okoliša
„Nacrt Odluke o komunalnoj naknadi“
„ Aktivnosti na izradi Nove Odluke o komunalnim taksama“
-g. Omer Kurtović-Analiza administrativnih taksa-Služba za društvene djelatnosti
-g-đa: Edina Osmanović-JU Zavod za prostorno uređenje
„ Analiza efekata novih prijedloga taksa i naknada na troškove privrede po djelatnostima“
3. Ostala tekuća pitanja

Razmatranje i usvajanje dokumenta: „PROCEDURE ZA IZBOR ČLANOVA I KONSTITUISANJA SAVJETA ZA EKONOMSKI RAZVOJ GRADA BIHAĆA

Sastanak je održan u Salonu Kabineta Gradonačelnika na I katu u Gradskoj upravi Grada Bihaća s početkom u 13.00h.

Na samom početku sastanka Nijaz Lipovača je pozdravio prisutne i ukratko obrazložio dosadašnje aktivnosti vezane za ekonomski razvoj. Ispričao se za Predsjednika Savjeta za ekonomski razvoj, gosp. Smaila Nuhića, koji nije mogao biti prisutan sastanku iz opravdanih razloga i da će on preuzeti ulogu vođenja današnjeg sastanka. Nakon toga je pročitao dnevni red i ustanovljeno je da se svi slažu sa predloženim dnevnim redom, uz dopunu da se pod tač.

3. Ostala tekuća pitanja, razmatra i usvoji dokument „ Procedure za izbor članova i konstituisanja Savjeta za ekonomski razvoj Grada Bihaća“, a što je i prihvaćeno od strane Savjeta za ekonomski razvoj

Nijaz Lipovača je pristupio realizaciji prve tačke dnevnog reda i prezentirao „Informaciju o opštim kretanjima privrede USK-a“, koja je dostavljena od PKUSK.

Nakon prezentacije uslijedila je kratka diskusija prisutnih, nakon čega je Nijaz Lipovača predložio da Enes Ružnić, predsjednik PKUSK, ukratko obrazloži ovu njihovu Informaciju.

Enes Ružnić, predsjednik PKUSK, ukratko je prezentirao dosadašnje aktivnosti i njegovo gostovanje na USK TV, gdje je elaborirao podatke i ekonomska kretanja preuzeta od Svjetske banke. Podaci su se odnosili na položaj BiH i na rang u odnosu na svjetski poredak. Zatim je govorio o parafiskalnim nametima na nivou BIH i na nivou općina/gradova.

Sakib Alijagić – obrazložio je podatke o ugostiteljskim objektima i izdavanju rješenja, kao i o problematici izdavanja objekata migrantima i o inspekciji.

Šemsudin Bajrić – naglasio je da niko ne nudi rješenja za probleme, npr. za statističke podatke znamo da nisu u potpunosti tačni, i da bi trebali ući u ovaj problem analitički a ne samo statistički. Za migrante je istakao da su oni tu prisutni i da treba razmišljati o njihovim potrebama i kako da domaći stanovnici zarade.

Amir Behić – istakao je za problem izdavanja smještaja migrantima i da veliki izdavači ne plaćaju poreze državi.

Aris Velić – istakao da se plaća porez na dobit i da to ide općini Bihać, i da je to prihod općini. Prijedlog: Treba pomoći domaćim stanovnicima da daju smještaj migrantima, da im se npr. daju poticaji za izdavanje migrantima.

Nijaz Lipovača – postavlja pitanje zašto mladi odlaze sa ovog područja.

Jasmina Ibrahimpašić – istakla je da ima svakakvih studenata, da su oni npr. uveli novo zvanje inženjer o zaštiti okoliša a ne postoji za to klasifikacija o radnim mjestima i da to sad treba mijenjati iz temelja. Iz oblasti o zaštiti okoliša nemaju niti jednog studenta i trebalo bi ih npr. stipendirati. Tu postoji neusklađenost razvojnih politika sa potrebama na tržištu. Treba poboljšati poslovni ambijent.

Dino Čavkić – poznato mu je da npr. fakultet ima 3 mašine i da ih niko ne koristi, da su prije došli sa prijedlogom fakultetu da zajednički koriste te mašine, a da će zauzvrat podučiti kako se zovu i koriste iste. Istakao je da ovdje postoji hiperprodukcija kadra, koji nije sposoban za rad.

Amir Behić – nijedan fakultet nije dostavio potrebe za obuku studenata privrednicima.

Jasmina Ibrahimpašić – oni imaju primjer takav sa studentima, npr. u „Pivovara Bihać“ i u drugim firmama. Istakla je projekat dualnog obrazovanja sa RAUSK-om.

Dino Čavkić – imali su takav primjer iz Austrije i nije ostvareno ništa.

Nijaz Lipovača – predlaže da se pošalje svim značajnijim firmama upit da dostave svoje potrebe za radnicima i profilima radne snage, i da se nakon toga zakaže sastanak za srednje obrazovanje, Ministarstva obrazovanja, Zavoda za zapošljavanje...

Dino Čavkić – da li bi se mogao prezentirati na tom sastanku i taj projekat Dualno obrazovane (primjer dobre prakse)?

Emir Pjanić-d.o.o. GTO Bihać- U cilju suzbijanja rada na crno, podnosim Inicijativu da Gradska uprava izvrši kontrolu svih nelegalnih smještajnih kapaciteta u kojima se smještaju migranti i turisti kako bi se naplatili predviđeni prihodi i spriječila nelojalna konkurencija.

Sakib Alijagić-Šef Odjeka za poduzetništvo u Gradskoj upravi. Inicijativa od strane g. Emira Pjanića se nemože prihvatiti iz razloga što Gradska uprava nije nadležna i ovlaštena za nadzor nad smještajnim kapacitetima, već je nadležna Kantonalna Inspekcija. Takođe želim upoznati sve prisutne da je Gradska uprava u navedenom kontekstu već inicirala kontrolu smještajnih kapaciteta s akcentom na nelegalan rad u ovom segmentu i već smo na osnovu podnijete Inicijative dobili Izvještaj od Kantonalne inspekcije / postupajući po našoj Inicijativi/ o izvršenom nadzoru i kontroli svih smještajnih kapaciteta na području Grada Bihaća.

Enes Ružnić – što se tiče anketiranja, istakao je da je krenuo projekat iz FBiH o anketiranju oko 100 firmi po kantonu za njihove potrebe radne snage. Ova priča ima najveću potrebu sa srednjim obrazovanjem. PKUSK već godinama radi na projektima sa dualnim obrazovanjem, npr. projekat „Gastro fokus“, gdje u nedostatku kuhara i konobara izvršeno opremanje kabineta srednje škole u Bihaću i ostvarena je saradnja sa hotelima gdje učenici rade praksu.

Nijaz Lipovača – treba dakle održati sastanak i staviti akcenat na srednje obrazovanje i pozvati Univerzitet.

Davor Župa – treba ispraviti pogrešno programiranje. Imamo dobre zakone i strategije, a sve to leži u ladicama. Statistički podaci su sa lošom bazom.

Nijaz Lipovača – predlaže da se pređe na drugu tačku dnevnog reda „Komunalne takse i naknade“ i pozvao je Elviru Hadžić da ukratko prezentira.

2.-ga tačka dnevnog reda

Elvira Hadžić – izvršila je prezentiranje dvije aktivnosti u njihovoj službi, i to:

1. Odluka o komunalnim naknadama – ukratko obrazloženo o provedenim aktivnostima, da bi se ovom odlukom smanjila komunalna naknada, a iz toga se financiraju troškovi javne potrošnje. U ovoj odluci će također ići prijedlog da se novi privrednici oslobode komun. naknade u prve dvije godine 100%, a u trećoj godini 50%.
2. Odluka o komunalnim taksama – prijedlog da se ide sa smanjenjem kom.takse za istaknutu firmu 20% i niže, ovisno o formatima. Za Grad će to biti cca. manje naših prihoda za oko 35.000 KM.

Nihada Pečenković – detaljnije obrazložila namjeru ovih odluka i naglasila da će se negdje dobiti, a negdje izgubiti. Namjera je bila da se izvrši balansiranje naknada u različitim sektorima.

Nijaz Lipovača – ostale vidove za smanjenje ostaviti za jednu od narednih sjednica Savjeta za ekonomski razvoj kom prilikom će se detaljno analizirati i razmatrati svi vidovi taksa i naknada u ingerenciji Grada Bihaća, te tom prilikom da se iznesu primjedbe i prijedlozi s ciljem poboljšanja Poslovnog ambijenta na području Grada Bihaća.

Enes Ružnić – spomenuo je da je jedan od partnera PKUSK Varaždin i da Virovitička županija ima 13 poslovnih zona i da nude po veoma niskim cijenama uređen komunalni prostor.

3.-ća tačka dnevnog reda-Ostala tekuća pitanja

Po tačkom razno razmatran je dokument pod nazivom: PROCEDURE ZA IZBOR ČLANOVA I KONSTITUISANJA SAVJETA ZA EKONOMSKI RAZVOJ GRADA BIHAĆA

Nijaz Lipovača-predstavnik Službe za upravljanje lokalnim razvojem obrazložio je potrebu usvajanja navedenog dokumenta, i nakon tog obrazloženja dokument je jednoglasno usvojen u predloženom tekstu.

Zaključci sa XIV sjednice Savjeta za ekonomski razvoj Grada Bihaća, su s l i j e d e ć i:

- 1. Uputiti inicijativu gradonačelniku grada Bihaća i resornoj službi, da se u 2019.g. u Programu Poticaja, predvidi određeni dio finansijskih sredstava za podršku poduzetnicima-smještajni kapaciteti za turiste;**
- 2. U cilju sagledavanja egzaktnih potreba za radnom snagom / broj, profili i dr./, uputiti dopis značajnijim privrednim subjektima i institucijama sa područja grada Bihaća, a nakon toga na osnovu prikupljenih podataka, organizirati tematski sastanak sa predstavnicima nadležnih institucija i obrazovnih institucija na temu: Prijedlog aktivnosti na usklađivanju obrazovnog sistema sa potrebama tržišta radne snage;**
- 3. Da se na tematskom sastanku Savjeta za ekonomski razvoj prezentiraju modeli dualnog obrazovanja-sa pozitivnim primjerima iz okruženja, kako bi se ti modaliteti u skorije vrijeme prakticirali i na području Grada Bihaća;**
- 4. Inicijativa predložena od strane g. Emira Pjanića nije prihvaćena iz razloga što Gradska uprava nije nadležna da vrši kontrolu rada smještajnih kapaciteta, već je za te poslove nadležna Kantonalna uprava za inspekcijske poslove;**
- 5. Da se na jednoj od narednih sjednica Savjeta za ekonomski razvoj analiziraju i razmatraju svi vidovi taksa i naknada u ingerenciji Grada Bihaća, te tom prilikom da se iznesu primjedbe i prijedlozi s ciljem poboljšanja Poslovnog ambijenta na području Grada Bihaća.**
- 6. Jednoglasno se usvaja dokument pod nazivom: PROCEDURE ZA IZBOR ČLANOVA I KONSTITUISANJA SAVJETA ZA EKONOMSKI RAZVOJ GRADA BIHAĆA**

Zapisnik sačinio:
Sekretar Savjeta za ekonomski razvoj
mr.sc. Nijaz Lipovača

Predsjednik Savjeta za ekonomski razvoj
s.r. Smajo Nuhić